

123109  
41  
21-8

永泰縣志

卷之

貳壹

永泰縣志

重脩永泰縣志序

余蒞永之明年而邑志於以脫藁校讐既竟經余送請省總局鑒定發還將付手民志局諸君子來請一言弁簡端監修余職也余不能無言歲戊午閩粵有事藎苻乘間竊發余下車伊始而邑東西北三區警報頻聞蹂躪殆無虛日南區自梧桐尾以上廣袤數十里尤以負嶠頑抗經大軍克復秩序底定至是而轄境乃得完全施治此則可爲邑人欣慰者也余因之有感矣永邑地勢不利於交通本無軍事上之價值自時勢變遷山川險夷因而迭更邑之西南上通尤溪正南則達德化莆仙東北尤迫近省會道路雖甚崎嶇然善用形勝者實可以控制上下游設防布守不容或疎且近年股匪出沒靡定

永泰縣志

卷一

重脩永泰縣志序

尤賴防軍之鎮懾職在有司亦以地方責任綦重應付繁曠蓋軍事倥傯時代日無暇晷簿書錢穀而外他務未遑而志局諸君子乃以志書見質此在常人視之以爲丁此時艱蓋急待設施且有十百重要於此者值羽書旁午之際而侈談文獻欲資以磨世厲鈍有類揖讓之救火毋乃偵甚抑余重因之有感矣永邑自宋元以迄明清號稱易治風俗古樸民質醇良物產雖非豐富然實足以自給人才輩出賢哲彪炳禮讓之風絃誦之聲於焉未泯故人易趨於軌道爲之司牧苟不加擾則直可臥治焉耳降至今日形勢日非匪擾之餘十室九空流亡未復庚癸頻呼爭訟之風日以滋長鷙悍之徒鋌而走險恬不爲恥民質既變風俗亦頹夙昔文物之光榮日以泯沒環視



邑中所謂實業教育諸大端率窘於財力迄未有興起之望時勢使然無可爲諱然究其所以致此而未能挽回此則地方有司之責而余所日夜引爲疚心者也今幸邑志告成治事之暇得與諸父老商榷撫今追昔思所以改絃而更張之積弊當革積衰當起凡有利便於人民者當急起而圖之潛移默運今何必不如昔然則此志之成而相與徵文考獻興革損益余且以古爲鑑而邑中諸父老亦宜追蹤前哲父勉其子兄詔其弟相與力田孝悌復返於禮讓而莘莘學子尤宜乘時崛起宣明文化程功之期寬以歲月官民俱納於正軌而交相砥礪舉嫚薄媮惰之風一洗而空之積之愈久自必發之愈光然則轉移風尚且將於此志之成作之嚆矢也抑余聞之具有才

學識三長可以作史志猶是也兼才學識者不常有而史亦作然則脩志亦豈能獨緩哉志局諸君子皆邑中績學宿儒有聲州里採輯去取必有特長覽此志者自可以知之初無俟余之詞贅矣修志起於六年五月成於九年一月司其事者協修爲周君遽然何君兆馨而中經變故始終堅持一無散失迄付剞劂則尤賴纂修王君紹沂之力是則可感也夫

中華民國十一年九月天台金 章撰於永陽官廨

重修永泰縣志序

邑志之作從弢弓脫劍之餘揚厲昇平脩舉廢墜鉅典也亦盛事也永至今日豺狼蠡起墟郭鼎沸人不安室涂罕順軌蕭樓楊亭之迹蕩乎荒煙班藝劉略之士傷彼行路顧摛擢胃腎點竄辭義自附謝長樂俞莆田後詎不值甚然子輿氏不云乎於不可已而已者無所不已茲志之務底於成其可已耶其不可已耶歲丙辰 督座培帥李公延沈丈濤園陳丈石遺主脩福建通志越明年命下所屬各志其邑且頒兩總纂擬定體例以期一律彌罅芟蕪移事屬類去其不當載者什之二益其所當載者什之六非引繩而直之絜矩而方之無所容其出入增損之謂謂夫國不異政書則同文其庶乎仰觀弗

失之天府察弗失之地在官在民弗失之人得所依據文經而獻緯之閉門造車出而合轍也會子之食魚也有餘潘門弟子請曰泔之乎抑輿之也會子曰泔之曰泔之不若輿之之善也會子喟然嘆曰其以我爲有異心乎夫永故有志矣將務爲屈彼伸此之辭羣言嚙沓其謂我何抑姑取已陳之芻狗而丹黃篋衍焉又奚脩之爲幸而指南之車若轍可循大同之奏無絃弗改操刀使割第鱗次而鬻數之已畢烹鮮之能事焉問其孰爲泔而孰爲輿也其不可已一也公緡如浣民困待蘇設局以來鉛槧書役之費糜數百金昔人有適千里者途未半而風雪阻之囊垂罄旣而思車馬逆旅費已不貲乃丐以達其不可已二也萬歷志不及見矣繼繕部而纂輯者厥唯乾隆

志蓋專志也外此若永陽清氣錄方廣巖志小白渡志永陽石刻考永陽遊草雖亦闡山川之勝槩景曩初之遺蹟明士夫之雅尚間彌邑乘之所不逮而主名有屬例弗兼及攷愈志絕筆於乾隆己巳距今周甲子者三揚子之言曰當身之事或聞或見萬不識一目前之事或存或廢千不識一矧此百有餘歲中官師之振飭風土之嘉祥天時人事之推遷聲名文物之殷盛固叢若絲棼繁若蝟集耶其不可已三也程篁墩之新安文獻康對山之武功縣志人知其爲世重矣漏一則失重濫一則貶重疑一則損重故証之於古宜詳所未詳也不則一木張羅寸莖起音耳將管見窾聞者遺酌之於今宜精益求精也不則昭明埒鳳騶虞疑虎耳將貴耳賤目者惑燕石自珍既

囿於見醯雞炫舞復限於地持一束書憑一已腦力而欲括上下千餘年縱橫四百里事不待智者有以知其窘矣是役也周子遽然何子兆馨皆邑中祭酒互相牛耳文壇者實贊襄其事於稗官雜說傳記百家之書參互攷訂不遺餘力至耳目之所觀記都人士寧不余畀而恡諸其不可已四也昔鄒氏珩纂台州志遭亂藏藁於家鄒歿及門譚玉書者持謁州牧某公曰懷此已若干年恐當事目爲迂疏不急之圖逡巡弗遽進我公儒者也敢聞遂獲鋟板世變極矣宵無常翳之晦水有必迴之瀾茲藁之成母爲鄒孝廉續焉則幸耳  
民國八年歲舍己未莫春禊後二日邑人王紹沂序於磨笄別島之

重脩永泰縣志序

志者史體也凡山川水利風俗民情人才物產而其間險易厚薄盛衰消長無不詳紀焉以備徵文考獻者之瀏覽得失以爲吏治之助若第以廣蒐博采夸風人之多識魁衆倫以效能抑末也永志始脩於萬歷再脩於乾隆距茲又百七十餘年矣邇者 大府檄各縣亟襄是舉知事 董公延 王梅丞先生總其事不佞參末席搜軼事於故家訪舊聞於遺老收瑣談於稗史窮勝迹於巖扃謬者糾之說者刊之罅漏者補之母濫毋遺務求其當識大識小各竭其才乃事未竟而檣槍告警潢池弄兵於是棘地荆天黃埃生慘霜戈電馬白日不輝予由是離筆硯溷跡塵俗與傭販相俯仰而 王君則左挈

青氈右持秃管戢影於窮巖絕壑間茹蘗飲冰苦志茲役不半載而全書告成予自媿駑下之質因人成事而益傷薄殖荒落之終爲廢材也獨是至今日而談脩志譬之稻錦而察總功飯歡而問齒決難免不知務之誚然以今日而談脩志如魯靈光如廣陵散千鈞一髮之所維繫正不容或忽焉倘猶事因循則故老凋零殘編斷缺流風餘韻漸蕩滅於煙銷波渺之中而莫之恤滋可懼也此予與諸君子所以受命不辭慨然從事斯舉如謂欲以文梓之材夏翟之羽而故炫其藻采也則區區之心果何以見諒於世哉

中華民國八年五月邑人何兆馨序

重脩永泰縣志序

將欲覃思據精索隱探幽不拾人牙慧自成一家言出而問世豈無一二有道與我同一鼻孔而自明眼人視之則曰此三家村學究閒居無聊時抒其磊落抑塞耳一笑置之則雖嘔盡心血徒爲後人覆醬瓿已也其言曷足貴乎於是睪然高望求其大者遠者以補經史之所不及庶名山得分片席也卒之蚍蜉撼樹綿力不支遂蹶然止若然則可以終止矣乎曰烏乎可我輩生於斯長於斯縱不能爲國家光亦當爲閭里計此邑乘之修所以不得辭其責而亦樂得有其名也端居之暇冀圖博引廣徵旁搜遠紹畧者詳之缺者補之參以管見集爲一書備輜軒者採徐而思之前清道咸間吾鄉耆宿皆巍

然存其具有大識力者奚啻三五輩豈眞惜墨如金耶抑留而有待耶後生小子不揣冒昧動以先正事畧操筆削權如清議何是以又不果歲丁巳春余友 王君梅丞就館署之東偏課讀暇出小啓函索文獻讀其詞炳炳琅琅心折久之竊喜曰蕞爾邑苟獲斯人潤色之則山川人物當燦然改觀矣故多方採擇不憚其勞欲以副友人之望者並慰予之初志也惜見見聞聞非片羽卽鱗爪耳求其全豹不能也其明年適下脩志令而王君司其事余亦濫竽焉不兩年間哀然成集余自笑始欲獨肩其任而不能繼則稍收其效而不得今則坐觀厥成焉蒼蠅無力附驥而奔余之謂也序之以博一粲

中華民國八年邑人周蘧然蝶園甫序

原序

郡邑之有志也所以紀山川之險易戶口之登耗風俗之淳漓人才之衰盛俾蒞於其地者載覽篇籍有以知古今升降沿革之由政治得失世道汗隆之故得以維持補救於其間志之不可以已也如是夫戊辰秋余奉檄來攝永篆見夫重岡崇巘菁林茂密蓋閩之巖邑也甫下車未及詢苦問俗亟索志書觀之茫然莫應因遍爲採訪得萬歷十年唐令君所脩邑志四帙殘篇斷簡亦畧而不詳自萬歷至今垂百五十餘年則皆缺焉無所攷據噫異哉何永志之廢缺不脩至於如斯之甚也於是謀諸邑之人士亟襄脩纂皆踴躍從事莆陽俞荔家嚴同年友也延請總其事邑學博李君及諸生數人同司分

纂而世遠事佚蒐輯維艱於是借故家之藏書訪遺老之傳聞事必核其實人必闡其幽分爲十志義例昭然予於政暇亦細與爲商確雖不無挂漏務使詳而不支簡而不畧矢慎矢公勒成信史垂之來茲而余因是重有感焉夫自有明迄今多歷年所官茲土者不知凡幾矣顧惟簿書錢穀之是亟視志之廢缺如夏月之無裘其間高人貞媛行誼卓卓者皆湮沒而不彰可勝道哉使及今不脩更遲之又久故老凋殘遺編銷滅則其散逸莫稽又不知如何矣後之人雖欲訪升降沿革之由政治風俗得失汗隆之故果奚所據以爲出治之資也哉此余區區脩志之苦心也因書之於簡首

乾隆戊辰年十二月興安分刺攝縣事京兆陳焱撰

原序

昔人稱作史貴三長必才學識兼而後稱良史予謂脩志亦然蓋史所述者上下古今天下之事志所述者一郡一邑之事志卽周官外史所掌與大小史相表裏者也志不脩則事遠而聞見易至遺忘代遠而蒐羅每多放失志之不易脩也如此永邑志脩自萬歷間唐令君萬歷以後歷時滋多不無闕畧之憾歲之九月京兆陳公以興安分府攝篆茲邑慨然有意於斯役而折簡召予總其事予小子自慚謏陋於才學識槩無一可奚能爲役旣辭不獲命爰與共事諸公發凡起例定爲十目悉心商確徵文考獻事必窮其源流人必覈其素履沿革以時而於人情不能無便拂者條而載之案牘之詞閭閻之

議弗敢裁也士大夫材品旣異建豎亦各不同要於其當區而分之宦遊之碑墓下之石弗敢據也蓋於事寧詳毋畧卽推行未究尙冀補揀於將來於人寧嚴毋濫或輿論未諧以待采輯於他日法窮則變神明在人善者因之紛者定之亡者舉之去煩去泰移風易俗賢守令事也砥行立名崇儉型方將令後之載筆者籍芳聲耀簡策士大夫事也不然斯志也祇簿領薈萃之書郡國侈觀之具又何汲汲乎脩之爲哉旣復陳公且質邑人士以爲何如是爲序

乾隆十三年歲次戊辰十二月莆田俞荔謹序

原序

永邑志乘修自明萬歷間嗣後議修而中止者屢矣非憚於纂梓之繁費則阻於議論之紛紜此所以架漏百五十餘年書缺有間焉戊辰秋陳憲臺攝篆斯邑下車伊始詢及邑乘不特近事缺畧莫考卽前志經滄桑之變亦散失殆盡爰集紳士於明倫堂共襄盛舉咸踴躍從事樂觀厥成申請列憲概蒙許可乃延莆陽名宿俞老先生總其事猥舉不佞以侍研席蒐遺編輯舊聞計四閱月而書成夫邑之有志豈徒鋪張揚厲求文辭之工侈鉅麗之觀云爾哉將使一邑之疆域規制仕宦人物風土謠俗釐然具舉足以信今而傳後繼往而開來者也苟或畧而不詳詳而不核隨聲以傳會師心而自是又何

貴乎志之修哉後之觀是志者謂其義例精明詳而有體則出自陳憲臺之加意蒐羅及俞老先生之裁定至於是是非非直道自有公評彼蒼默爲鑒視敢有以私意亂其間者則余不佞亦可告無罪於永人士云乾隆十四年己巳端月穀旦辛酉科舉人揀選知縣署永福縣儒學教諭晉江李經書於學署

重修永泰縣志凡例

- 一本屆修志由省志局總纂頒有定式爲類三十有六精嚴詳密各屬一體遵照與舊志分綱爲十系目於下絕不相符不得不截衣適體以期吻合非故立異
- 一鄉飲之典前清最爲濫及年逾六十糜數金資緣卽給冠帶榮身登之志乘適貽笑柄茲旣刪去耆壽一門而四百餘歲之陳俊及百齡以上諸人自是昇平人瑞附列之大事志以災祥固大事之一也
- 一山川名勝等類間有題詠統附本項下如高蓋山詩文卽附高蓋山後餘倣此其無門類可歸始入藝文

- 一納粟入監雖列成均究與正途貢生不同此次概不登載卽或名登仕版亦祇紀實職不列虛銜
- 一官斯土者必有實績可錄方爲立傳以傳之舊志有僅以操守廉潔理治勤敏等一二語附注職官名下竟似官員考語非志體也今悉爲裁汰

一現存時賢歌詠概不輕錄唯傳記有關繫者採入一二以備考鏡

一節烈一事最爲婦人所難不表而彰之曷以勸來者除舊志紀載外百餘年來完節全貞其已經題准者固詳細錄入卽貧寒之家未及報案果採訪確實亦必爲登載以慰幽魂唯舊志各

作小傳幾於千人一律茲仿省志郡志體例奇節異行方爲立傳餘悉易以題名庶不令閱者生厭

一舊志藝文概用大字茲悉以雙行小字系之以省卷帙

一志內所引諸書及省郡各志俱於徵引處標明來歷唯屬於採訪來藁者不能一一詳載間有附參已見者加一按字以別之

一志體專以紀事非辨異考同之書然亦有實知省志府志舊縣志之謬不得不一爲訂正至志內詩文或有字句與諸志不符者非敢意爲去取皆考覈原本於各條下注明

一新增各條或來自各姓家譜各員訪藁俱經糊壁任憑衆目觀覽其有紀載失實被人指摘者卽行刪去且底藁具在非鄙人

之私咎也閱者諒之

新修縣志姓氏

監修	永泰縣	知事	江蘇	董秉清
監修	代理永泰縣	知事	湖北	唐蔭爵
監修	永泰縣	知事	浙江	金章
纂修	壬寅科	舉人	邑人	王紹沂
協修	癸卯科	舉人	邑人	周遽然
協修	峇口巡檢	考職優廩生	邑人	何兆馨
同協修	江西審判廳	壬寅科舉人	邑人	鄒耀樞
同協修	前江蘇丹徒知縣	乙未科進士	邑人	陳景韶
同協修	壬寅科	舉人	邑人	黃大貞

永泰縣志

卷一

新修縣志姓氏

十一

同協修	廣東開平縣知事	考職附生	邑人	江漢先
同協修	前福甯府學訓導	乙酉副榜	邑人	張葆謙
<small>庶務員兼 募修總理</small>	布		衣邑人	鄭思忠
校訂	諸		生邑人	林星煌
校訂	布		衣邑人	黃廷弼
校訂	恩	貢	生邑人	吳夢齡
同校訂	諸		生邑人	朱恭梓
同校訂	歲	貢	生邑人	鄭仰樵
同校訂	諸		生邑人	張心南
同校訂	布		衣邑人	陳克堅

同校訂 諸	生 邑人 鄧培鄒
同校訂 諸	生 邑人 王念章
同校訂 諸	生 邑人 陳燦烈
同校訂 歲	生 邑人 官 饒
同校訂 日本早稻田大學畢業生	生 邑人 林 棟
同校訂 諸	生 邑人 邵 嵩
同校訂 諸	生 邑人 薛景東
同校訂 諸	生 邑人 鄭世榮
同校訂 諸	生 邑人 張燦照
同校訂 諸	生 邑人 陳瑞衡

永泰縣志 卷一 新脩縣志姓氏 十三

同校訂 連江漳浦典獄考職附生	生 邑人 何兆渠
同校訂 諸	生 邑人 黃錫聰
同校訂 諸	生 邑人 鄧耀庚
同校訂 諸	生 邑人 陳師豫
同校訂 諸	生 邑人 張官清
同校訂 諸	生 邑人 林占春
同校訂 諸	生 邑人 華履謙
同校訂 私立法政畢業生	生 邑人 廖鴻翔
同校訂 武	生 邑人 劉履亨
同校訂 布	衣 邑人 羅如雲

同校訂布	衣邑人	薛壽英
同校訂縣立小學畢業生	邑人	干全賦
同校訂諸	生邑人	許培光
同校訂布	衣邑人	王雲松
同校訂諸	生邑人	林韶陽
同校訂福建省立師範學校畢業生	邑人	陳長綏
同校訂福建私立中學校畢業生	邑人	許瑞卿
同校訂福建私立中學校畢業生	邑人	劉道茂
同校訂布	衣邑人	林鑑光
同校訂諸	生邑人	溫步陞

永泰縣志 卷一 新脩縣志姓氏 十四

同校訂諸	生邑人	邱炳昌
同校訂諸	生邑人	邱鳴崗
同校訂布	衣邑人	林文滔
同校訂布	衣邑人	林開保
同校訂布	衣邑人	陳疇
勸募	員邑人	陳瑞雲
勸募	員邑人	王步鄴
勸募	員邑人	林步瀛
勸募	員邑人	葉珪元
勸募	員邑人	張祖韶

勸 勸 勸 勸 勸 勸 勸 勸 勸 勸 勸 勸 勸 勸

募 募 募 募 募 募 募 募 募 募 募 募 募 募

員 員 員 員 員 員 員 員 員 員 員 員 員 員

邑人 邑人 邑人 邑人 邑人 邑人 邑人 邑人 邑人 邑人 邑人 邑人 邑人 邑人

黃溫光 鮑立昭 李挺生 盧積成 陳秉陶 林昇祺 林鑑清 侯贊康 許宴瓊 黃大昌

勸 勸 勸 勸 勸

募 募 募 募 募

員 員 員 員 員

邑人 邑人 邑人 邑人 邑人

林啟標 林煇騰 陳兆志 陳大奎 程承丹